

1271
L'EQVIPAGE

NECESSAIRE POVR

ALLER A LA CHASSE

A V X

LARRONS

DE CE ROYAVME.



A PARIS,

Chez NICOLAS DE LA VIGNE.

prés Saint Hilaire.

M. DC. XLIX.

AVEC PERMISSION.

LEOVIAGE

NECESSAIRE POUR

ALLER A LA CHASSE

A V X

LARIONS

DE CE ROYAUME



A PARIS

Chez NICOLAS DE LA VIGNE

près Saint Hilain.

M. DE KILIX

AVEC PERMISSION



L'EQVIPAGE

NECESSAIRE POVR

ALLER A LA CHASSE

AVX LARRONS

DE CE ROYAVME.



C'EST vne chose tres-certaine,
& personne n'en peut douter, que
la France a tousiours eu la repu-
tation d'estre le plus heureux, le plus
fleurissant, & le plus riche de tous les
Royaumes de l'Europe: Ses ennemis mes-
mes l'aduoient, disans, que son Roy est
vn riche Berger, dont les moutons & les

brebis portent la toison d'Or. Mais quel
 auantage scauroit-elle tirer de ce bon-
 heur, & de ce beau lustre? que luy profite
 cette fertilité? que luy seruēt tous ses thre-
 sors, & toutes ses richesses? puis qu'elle en-
 ferme dans son sein vne fourmilliere de
 voleurs, qui par leurs crimes ternissent &
 obscurcissent son esclat, par leurs maluer-
 sations & fourberies espuisent ses finan-
 ces, & par leurs espouuantables dissolu-
 tions les prodiguent, & s'en rendent pro-
 prietaires. Il est donc temps, peuples
 François, que vous fassiez paroistre la
 grandeur de vos courages pour extermini-
 er cette vermine, qui comme chenilles
 rampantes, & sauterelles armées, ayant
 les dents de fer, le ventre d'acier, & le de-
 dans de feu, broutent, deuorent & con-
 somment toute la substance, succent &
 attirent iusques à la quinte-essence de cēt
 Estat. Faites, faites, qu'au plustost ces
 cruelles harpies qui ne respirent que vo-
 stre ruine, & à la fureur & rage desquelles
 vous vous verriez deuant peu d'années ex-
 posez

posez, ressentent la force & la puissance de vos armes : Car si iamais le temps a esté propre pour contraindre ces Voleurs à rendre leurs larcins, sacrileges & peculats: c'est celuy dans lequel nous sommes, & s'il y eut iamais occasion plus fauorable à nos souhaits, c'est celle-cy, qui nous fournit les moyens de mettre au pressoir de Iustice ces esponges enflées d'extorsions & d'excez. Enfin, il est en nostre pouuoir d'escraser sur nos playes ces sangsuës & basilics qui rongent nos corps, & creuent de nostre sang. Il faut aller le droit chemin, & ne point chercher de voyes obliques, crainte que le Royaume n'en receust quelque detrimement, que les Preuosts fussent frustréz de leurs esperances, & que l'Executeur de la haute Iustice ne perdist de si riches despoüilles. Chacun sçait que quelques Rois estrangers, à cause de la sterilité de leurs Prouinces, sont contrainsts d'euoyer à grosses flottes des nauires, & des vaisseaux de guerre esquipez de toutes sortes d'armes dans les pays d'outre

les mers, pour en tirer les thresors, & en emporter toutes les raretez qui s'y rencontrent, & qu'ordinairement ils ne retournent pas de ces regions estrangeres, qu'avec de tres-signalees pertes, de tres-grands frais & hazards: mais la necessite dans laquelle nous auons esté reduits par certains escumeurs de nos finances, nous doit forcer à aller courageusement, & sans crainte d'aucuns perils à la glorieuse conqueste de la toison d'Or qu'ils nous ont ravie. Oüy, nous devons, bien qu'avec vn tres-petit appareil, entreprendre hardiment cette nauigation qui nous sera d'vn rapport merueilleux, & qui sans peine, sans despense, & sans aucun naufrage nous fera recouurer la meilleure partie de ce que ces pirates nous ont pillé & volé depuis tant d'années. Nous forcerons & briserons facilement les portes ferrées de leurs superbes & magnifiques Palais, qui sont situés dans vn quartier de la Ville, qui se peut avec raison appeller le Perou, à cause des monstreuses richesses & in-

croyables delices, dont ils regorgent.

Pour toutes nauires, nous n'aurons besoin que de la Chambre du Conseil, accompagnée de la Chambre des Comptes. Pour masts, il ne faut que la main Royale, & son glaive de Iustice; pour Pilotes & Patrons qui soient sages & prudents, vingt Iuges, dont la probité & l'intégrité soit connue; pour fidelles soldats & matelots, quelques denonciateurs & personnes qui ayent vne parfaite connoissance des affaires, des secretes intelligences & maluersations de ces gens fins & cauteleux. Finalement pour voiles & pour cordages leurs comptes, roolles, acquits, estats, inuentaires, & autres papiers, ensemble les memoires qui nous seront fournis: Et ie vous puis asseurer que deuant la fin de la presente année, ceux qui sont au iourd'huy:

-----*Semblables à celui-là*

*Qui a plus grand defaut de ce que plus il a,
Et bien qu'il soit plongé iusqu'au col dans
le Fleuve*

*De la soif toute fois les rigueurs il espere-
ne.*

Deuiendront les plus riches & opulents,
qui ayent iamais esté veus dans ce Royau-
me, & pourront dignement & fidelle-
ment seruir le Roy.

Car les Imposts ostez, & les Tailles
diminuées, nous verrons que les peuples
transportez de ioye & d'allegresse, feront
des feux de ioye en toutes leurs Prouin-
ces, & ne cesseront de faire des vœux &
des prieres pour la conseruation du Roy,
& de son Estat.

F I N.